

¡BOMBA!

La temporada de encuestas se encuentra ya muy cercana; pero por esta semana, cerrado por patrias fiestas



K'uintsil

Viernes 11 de septiembre de 2020

CAMPECHE · YUCATÁN · QUINTANA ROO · AÑO 6 · NÚMERO 1315 · www.lajornadamaya.mx

TS'O'OK U SA'ATAL ÓOLI' U 70 POR CIENTOIL U BA'ALACHE'LO'OB K'ÁAX ICHIL 50 JA'ABO'OB: WWF SE HA PERDIDO CASI 70 POR CIENTO DE LA FAUNA SALVAJE EN 50 AÑOS: WWF



TS'O'OK UKTÚUL MÁAK KÍIMIK ÚUCHAK U AKTÁANTA'AL AJKANAN KAAJO'OB TU LU'UMIL COLOMBIA SIETE MUERTOS EN PROTESTAS CONTRA VIOLENCIA POLICIACA EN COLOMBIA

BOGOTÁ. Walkila' ts'o'ok u k'íimil uktúul máak tu noj kaajil Bogotá yéetel Soacha, yóok'lal líik'saj t'aan ku beeta'ali' tumen kaaje' ma' ki'imak u yóol úuchak u k'i'itbesa'al jump'éeel cha'an tu'ux ku yila'al t'aan u seten kóokojsa'al kóoriente Javier

Ordóñez, máax yaan 46 u ja'abil ka'achij, ts'o'okole' k'íimij. Ajkanan kaajo'ob beetej, luk'sab meyaj ti'ob, ts'o'okole' t'aan u páatiko'ob u beeta'al xaak'almeyaj ti'al u je'ets'el ba'ax si'ipil ku ts'a'abil ti'obi'.
Oochel AP

Ti' yóok'ol kaabe' ts'o'ok u sa'atal maanal ti' u ka'a jaatsil ti' óoxp'éeel yaane' ti' u béertebradoil ba'alche'ob, ts'o'okole' tuláakal le je'ela' ucha'an ichil jump'íit meenos ti' 50 ja'abo'ob: u tróopikal baantail América Central yéetel Sur leti'e' tu'ux asab ya'ab ba'alche'ob ch'eejel, tumen náaka'an tak tu 94 por cientoil, beey úuchik u ts'a'abal k'ajóoltbil tumen u tsoolts'íibil Fondo Mundial para la Naturaleza (WWF), ts'o'okole' ma' t'aan u ye'esik wa yaan u ch'a'ak utsil bej yéetel ba'ax ku yúuchul, tumen je'el u jach loobiltik wíinik.

Le jejeláas ba'alo'ob ku beetik wíinike' tu beetaj u k'astal xan óox jaats ti' kamp'éeel u jaatsil lu'um, yéetel u 40 por cientoil k'áak'náab. Beey túuno', u seten ch'a'akal che' yéetel u p'íitmáan u meyajta'al koole' jach k'a'anan u ch'a'achibta'al ti'al u yojéelta'al bix úuchik u sa'atal u 68 por cientoil béertebrado'ob yanchaj ichil u ja'abil 1970 tak 2016, beey ts'íibta'ab tu pik'il ju'unil 13 ti' Índice Planeta Vivo jts'a'ab k'ajóoltbil le jueves máanika'.

Tsoolts'íibe', lalaj ka'akap'éeel ja'ab ku beeta'al tumen WWF International ikil u múul meyaj yéetel Zoological Society ti' u lu'umil Londres. Ts'o'okole', a'alab xan sajbe'entsil u yantal uláak' pandemia'ob tu paachil k'iin wa tumen wíinik ku ch'a'ak u ti'alint uláak' k'áaxo'ob yéetel xan wa ku seen okol tu'ux kuxa'an uláak' ba'alche'ob.

MÁS INFORMACIÓN EN LAJORNADAMAYA.MX